



# **Universitätsbibliothek Paderborn**

**Hierakosophion**

**Demetrius <Pe pagomenus>**

**Lvtetiae, 1612**

cxlvi. Quae fracta sanari posint, & quae insanabilia sint.

**urn:nbn:de:hbz:466:1-12846**

*Ad fractum pedem.*

**M**YRRHA & thus terantur, oui albo liquore excipientur, lana alba alligentur ad pedem: dimitatur in caueam, & restituetur.

*Quæ fracta sanari possint, & quæ insanabilia sint.*

**M**ULTÆ fractæ partes sanantur. Inueni fractum insanabile est: similiter etiam armi. Quæ ad sanitatem peruenire possunt, ad ferulam aut calamum alliganda sunt. Accipiter accommodate alligatus in celum molli feno substratam, ne vexetur, dimittendus est: carnes concisæ obijciendæ per duodecim dies: deinde ex cella educendus, & ferula ex frasto loco exoluenda: emplastrum habens vim molliendi impoñendum, ad laxandos & molliendos nervos. Emplastri compositio recipit spumæ argenti, bituminis Iudaici, pineæ, resinæ arefactæ, ceræ albæ, singulorum libras duas, picis, thuris, aloe, myrrhæ, ammoniaci thymiamatis, bdelij, colophoniæ, chalcitidis, singulorum sesquilibram, adipis taurini, succi altheæ, lini seminis: fin-

N iij

gulorum selibram : oleū chamæelinum quantum satis sit . quæ liquari possunt , ex adipetaurino liqueuntur . spuma argenti & succi ex oleo coquantur , adijciantur liquidis , rufusque simul temperate omnia concoquantur . quibus ex igne remotis conspergatur bitumen , & thus tritum ; rudicula agitentur usque dum refrixerint , & & mollita sint , atque ita præparatis , cum necessitas requiret , vtitor .

*Ad luxatum pedem.*

**V**OLVCRVM genus alis quidem & pinnis natura ditauit , quibus aerem secare solent : sed nec minorem ipsis dedit utilitatem & efficaciam , cum eas pedibus ornauit per quos venantur , hostes superant , cibum capessunt , quietem capiunt . Sed naturæ dotes quid nunc necesse est numerare ? Itaque his omissis , de remedio luxatorum dicam . Cum accipitri pes exciderit , aut digitus luxatus sit , ita curandus est . Recrementum æris contundito & diligenter ex aceto terito , locum affectum illinito . Facit idem paruarum cochlearum vnguentum .